

Na osnovu Rješenja Vlade Kantona Sarajevo broj: 02-04-21500-5.2/20 od 23.06.2020. i broj:02-04-23318-20/20 od 09.07.2020. godine, a u skladu sa članom 12. stav 3. Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine KS“ broj: 10/16) direktor Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“ **Hazim Durmišević** i v.d.predsjednik Nadzornog odbora **Edin Tiro** iz Sarajeva, zaključuju:

U G O V O R

o angažovanju vršioca dužnosti predsjednika Nadzornog odbora

Član 1.

Ovim Ugovorom ugovorne strane utvrđuju prava, obaveze, odgovornosti i visinu naknade za rad vršioca dužnosti predsjednika Nadzornog odbora Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“

Član 2.

Vlada Kantona Sarajevo na 22. vanrednoj sjednici održanoj 23.06.2020. godine, Rješenjem broj: 02-04-21500-5.2/20, imenovala je za vršioca dužnosti predsjednika Nadzornog odbora Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“, **Tiro Edina** na period od tri (3) mjeseca.

Član 3.

v.d. Predsjednik Nadzornog odbora će obavljati svoju funkciju u skladu sa pravima i obavezama koje proizilaze iz ovog Ugovora, Pravila Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“, Poslovnika o radu Nadzornog odbora, Zakona R BiH, Zakona Federacije BiH i Kantona Sarajevo.

Član 4.

v.d. Predsjednik Nadzornog odbora dužan je da učestvuje u radu Nadzornog odbora, na sjednicama i raspravlja o pitanjima koja su na dnevnom redu, daje prijedloge i sugestije prilikom donošenja odluka, zaključaka i stavova Nadzornog odbora.

Član 5.

Pravo i dužnost v.d. predsjednika Nadzornog odbora je kontrola poslovanja Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“ u cilju zaštite interesa osnivača.

Član 6.

v.d. Predsjednik Nadzornog odbora dužan je svoje obaveze i odgovornosti izvršavati u skladu sa zakonom i normativnim aktima Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“.

Član 7.

v.d. Predsjedniku Nadzornog odbora isplaćuje se naknada na tekući račun u iznosu od **200,00 KM** mjesečno.

Naknada iz stava 1. ovog člana je promjenjiva i mjesečno se izračunava u skladu sa članom 17. Uredbe o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo broj: 41/16“).

Naknada se isplaćuje mjesečno, pod uslovom da je u tom mjesecu održana minimalno jedna sjednica.

Naknada za rad se neće plaćati u periodu od stupanja na snagu Zakona o ublažavanju negativnih ekonomskih posljedica i uštedama u Kantonu Sarajevo („Službene novine Kantona Sarajevo broj: 18/20) i 60 dana po prestanku nesreće uzrokovane pojavom coronavirusa (COVID-19).

Član 8.

Ovaj Ugovor se zaključuje na period trajanja mandata vršilaca dužnosti predsjednika i članova Nadzornog odbora, a isti može prestati iz razloga utvrđenih u članu 116. Zakona o socijalnoj zaštiti, zaštiti civilnih žrtava rata i zaštiti porodice sa djecom KS, kao i iz drugih razloga propisanih zakonskim i podzakonskim aktima.


Član 9.

Za eventualne sporove po ovom Ugovoru nadležan je sud u Sarajevu.

Član 10.



Ovaj Ugovor je sačinjen u četiri istovjetna primjerka od kojih 3 (tri) primjerka zadržava Kantonalna javna ustanova „Dom za socijalno zdravstveno zbrinjavanje osoba sa invaliditetom i drugih osoba“, a 1 (jedan) primjerak v.d predsjedniku Nadzornog odbora.

V.D.PREDSJEDNIK NADZORNOG ODBORA



Edin Tiro

DIREKTOR

Hazim Durmišević, dipl.ecc

Broj: 27-1568/20

Datum: 31.08.2020.godine.